


БАТЛАВ:

БАЯНХОНГОР АЙМГИЙН
БАЙГАЛЬ ОРЧНЫ ГАЗРЫН
ДАРГА Н.БАТ-ОРГИЛ

1. 
БЮА0055 9009264

ХҮРЭЭМАРАЛ СУМЫН
ЗАСАГ ДАРГА

1. 

БАЯНХОНГОР АЙМГИЙН ХҮРЭЭМАРАЛ СУМЫН

**“Хурдан мараал” АГНУУРЫН БҮС НУТГИЙН МЕНЕЖМЕНТИЙГ
САЙЖРУУЛАХАД ХАМТРАН АЖИЛЛАХ ГЭРЭЭ**

№

2013 оны 7-р сарын 16 -ны өдөр

Баянхонгор аймаг

Нэг. Ерөнхий үндэслэл

Тус гэрээг нь Амьтны тухай хуулийн 22 дугаар зүйлийн 22.4-т заасныг үндэслэн Хүрээмарал сумын Хурдан мараал агнуурын бүс нутгийн агнуурын амьтны нөөцийг хамгаалах, зохистой ашиглах, Засгийн газрын 93 дугаар тогтоолоор батлагдсан Ховор амьтан агнах, барих тусгай зөвшөөрөл олгох журмын 2,4-т заасны дагуу эхний ээлжинд нэг жилийн хугацаатай агнуурын бүс нутгийн менежментийн төлөвлөгөөг хэрэгжүүлэхээр байгуулав.

Хоёр. Гэрээний зорилго

Энэхүү гэрээний үндсэн зорилго нь агнуурын менежментийн төлөвлөгөөг үр дүнтэй хэрэгжүүлэхэд Баянхонгор аймгийн Байгаль орчны газар, Хүрээмарал сумын ЗДТГ, агнуурын бүс нутгийн иргэд, байгаль хамгаалах нөхөрлөл, гадаадын анчдад зуучлагч ААН хоорондын харилцааг зохицуулахад оршино.

Гэрээ байгуулагч талууд гэрээнд тусгагдсан үүргийг биелүүлснээр Хүрээмарал сумын агнуурын бүс нутгийн урт хугацааны менежментийн төлөвлөгөө амжилттай хэрэгжих нөхцөл бүрдэх болно.

Гурав. Гэрээ байгуулагч талууд

Энэхүү гэрээг дараах хуулийн этгээд харилцан тохиролцсны үндсэн дээр байгуулав. Үүнд:

1. Баянхонгор аймгийн Байгаль орчны газар
2. Хүрээмарал сумын Засаг даргын тамгын газар
3. Аялал жуулчлал үйл ажиллагаа эрхэлэгч Нүүдэлч салхи ХХК

Дөрөв. Гэрээ хүчин төгөлдөр байх хугацаа

Агнуурын бүс нутгийн менежментийг сайжруулахаар хамтран ажиллах энэхүү гэрээг 2014 оны 11 дүгээр сарын 01 хүртэл байгуулав.

Тав. Гэрээг цуцлах

Гэрээг байгуулсан талууд хэрэв энэхүү гэрээг байгуулсан эрх зүйн үндэслэл бүхий хууль, журам, гэрээнд тусгагдсан үүрэг, хариуцлагыг зөрчсөн эсхүл биелүүлээгүй тохиолдолд гэрээг цуцлах саналыг аль ч тал бусад талуудад цуцлах саналыг бичгээр тавина. Гэрээг цуцлах асуудлыг талууд хэлэлцэн шийдвэрлэх бөгөөд гарсан хохиролыг нөхөн төлүүлэх асуудлаар шүүхэд хандан шийдвэрлүүлнэ.

Зургаа. Гэрээ байгуулагч талуудын үүрэг, хариуцлага

6.1. Баянхонгор аймгийн Байгальорчны газар

6.1.1. Засаг дарга агнуурын бүс нутгийн нарийвчилсан зохион байгуулалтыг зохион байгуулах, агнуурын менежментийн төлөвлөгөө боловсруулах, хэрэгжүүлэхэд арга зүйн зөвлөгөө өгнө.

6.1.2. Агнуурын менежментийн төлөвлөгөөний хэрэгжилтэнд хяналт тавьж, удирдлага, зохион байгуулалтын туслалцаа үзүүлнэ.

6.1.3. Агнуурын бүс нутагт үйл ажиллагаа эрхэлж байгаа байгаль хамгаалах нөхөрлөлийн гишүүдэд идэвхитэн байгаль хамгаалагчийн эрх, үнэмлэх олгуулах ажлыг холбогдох байгууллагуудад тавьж шийдвэрлүүлнэ.

6.1.4. Хууль бус агнуурыг мэдээлийн дагуу шуурхай илэрүүлэн шийдвэрлүүлэх арга хэмжээг авна.

6.1.5. Агнуурын бүс нутгийн ан агнуурын менежментийн төлөвлөгөөнд үндэслэн дараа онд тусгай зөвшөөрлөөр агнах амьтны тоо хэмжээний саналыг батлагдсан агнуурын менежментийн төлөвлөгөө, менежментийг сайжруулахаар хийсэн энэхүү гэрээний талуудын саналыг үндэслэн Байгальорчин, ногоон хөгжлийн яаманд хүргүүлнэ.

6.1.6. Агнуурын бүс нутагт байгаль хамгаалах иргэлийн нөхөрлөл байгуулах, нөхөрлөлийн удирдлага, зохион байгуулалтыг бэхжүүлэхэд арга зүйн зөвлөгөө өгнө.

6.1.7. Агнуурын бүс нутагт биотехникийн арга хэмжээг нутгийн иргэдтэй хамтран зохион байгуулна.

6.1.8. Агнуурын бүс нутгийн амьтны тоо толгой, байршлийг тодорхойлох тогтмол судалгааны мэдээг гэрээ байгуулагч талаас авч аймгийн мэдээллийн санд нэгтгэнэ.

6.2. Сумын Засаг даргын Тамгын газрын хүлээх үүрэг, хариуцлага

6.2.1. Нарийвчилсан агнуур зохион байгуулалт, менежментийн төлөвлөгөө боловсруулах ажлын хэлэлцүүлгийг орон нутагт зохион байгуулан, тайланд саналаа тусгана.

6.2.2. Батлагдсан агнуурын менежментийн төлөвлөгөөнд үндэслэн Амьтны тухай хуулийн 22.3-т заасны дагуу агнуурын бүс нутгийн хилийн цэсийг сумын Иргэдийн төлөөлөгчдийн хурлаар хэлэлцүүлэн батлуулна.

6.2.3. Агнуурын бүс нутагт мэргэжлийн байгууллагатай хамтран хийж гүйцэтгэсэн ан амьтны менежментийн төлөвлөгөөг үндэслэн тухайн жилд ахуйн болон тусгай зориулалтаар барих, агнуулах амьтны төрөл, тоо толгойг гэрээ байгуулагч талууд, агнуурын бүс нутагт харъяалагдах нутгийн иргэд, байгаль хамгаалах нөхөрлөлтэй санал солилцох хэлэлцүүлэг хийн тогтооно.

6.2.4. Энэхүү гэрээний 6.2.3-т заасан тоо хэмжээнд үндэслэн сумын татварын орлогод төлбөрийг төвлөрүүлж харин Байгалийн нөөц ашигласны төлбөрийн тухай хуулийн 18.1-д, Ховор амьтныг агнах, барих тусгай зөвшөөрөл олгох журмын 6.6-д заасны дагуу тусгай зориулалтаар агнаж, барьсан ан амьтны төлбөрийн орлогын 50-иас доошгүй хувийг зөвхөн тухайн агнуурын бүс нутгийн ан агнуурын менежментийн төлөвлөгөөг хэрэгжүүлэх, нөхөрлөлийг бэхжүүлэхэд зарцуулна.

6.2.5. Агнуурын бүс нутгийн менежментийн төлөвлөгөөний хэрэгжилтэнд хяналт тавьж ажиллахын зэрэгцээ төлөвлөгөөний биелэлтийн тайланг сумын ИТХ-аар хэлэлцүүлж тодорхой удирдамж, чиглэлээр хангаж ажиллах болно.

6.2.6. Хууль бус агнуураас урьдчилан сэргийлэх сурталчилгааг зохион байгуулах, хяналт шалгалтыг хийнэ.

6.2.7. БОНХ-ийн яамнаас тус сумын агнуурын бүс нутагт тухайн жилүүдэд тусгай төлбөртэйгээр агнуулахаар хуваарилагдсан анг зуучлан агнуулах ажлыг Нүүдэлч салхи ХХК-аар гүйцэтгүүлнэ. Гэрээний хугацаанд энэхүү гэрээнд агнуурын бүс нутгийн менежментийг хариуцагч, зуучлагчаар оролцогч Нүүдэлч салхи ХХК-аас өөр бусад хуулийн этгээдтэй уг чиглэлээр хамтран ажиллах гэрээ хэлцэл хийхгүй байх үүрэг хүлээнэ.

6.3. Аялал жуулчлалын Нүүдэлч салхи ХХК-ний хүлээх үүрэг хариуцлага

6.3.1. "Аялал жуулчлал" агнуурын бүс нутагт 2013 оны 2 дугаар хагаст багтаан агнуур зохион байгуулалтын мэргэжлийн байгууллагаар нарийвчилсан агнуур зохион байгуулалтыг хийлгэсний үндсэн дээр тухайн агнуурын бүс нутагт ан амьтны менежментийн төлөвлөгөөг мэргэжлийн байгууллага, нутгийн иргэд, сумын ЗДТГ-тай хамтран боловсруулан Байгаль орчин, ногоон хөгжлийн яамаар батлуулна.

6.3.2. Агнуурын бүс нутагт амьтны тоо толгой, байршил нутгийн хэлбэлзлийг тогтоох зорилгоор идэвхитэн байгаль хамгаалагчийг сургаж чадавхижуулах, сард 7 хоног хээрийн судалгаа, хяналт шалгалт, сурталчилгаа хийх ажлын урамшуулалд 100,000 төгрөг, шатахууны 20,000 төгрөгийг гэрээний дагуу хариуцна.

6.3.3. Улирал бүр идэвхитэн байгаль хамгаалагчийн цуглуулсан агнуурын амьтны тоо толгой, байршлийн мэдээний анхан шатны мэдээллийг мэргэжлийн байгууллагаар дүн шинжилгээ хийлгэн хагас жил тутамд тайланг гэрээний талуудад хүргэнэ.

6.3.4. Хууь бус агнуурын улиралд байгаль орчны байцаагч, нутгийн иргэдийн оролцоотой хяналт шалгалт, сурталчилгааны ажлыг дэмжинэ.

6.3.5. "Ховор амьтан агнах, барих тусгай зөвшөөрөл олгох журам"-ын 4.6, 4.7-д заасан ховор амьтан агнах, барих гэрээний биелэлтийн тайланг аймаг, нийслэлийн байгаль орчны асуудал хариуцсан байгууллагад жил бүрийн 11 дүгээр сарын 15-наас өмнө хүргүүлнэ.

6.3.6. Ангийн отог ажилуулах, жуулчинд үйлчлэх орон нутгийн үйлчилгээнд агнуурын бүс нутгийн иргэдийг татан оролцуулна.

6.3.7. Нутгийн иргэдийг зохион байгуулалтанд оруулж байгаль хамгаалах нөхөрлөл байгуулан бэхжүүлнэ.

6.3.8. Агнуурын бүс нутагт ургамал, мод бут тарьж ургуулсан, амьтан өсгөж үржүүлсэн болон хурын усыг хуримтлуулах замаар усан сан, цөөрөм байгуулсан тохиолдолд байгаль хамгаалах нөхөрлөлийн эзэмшилд хамаарна.

6.3.9. Байгаль хамгаалах жижиг төслүүдийг боловсруулан донор байгуулагтегч шийдвэрлүүлнэ.

6.3.10. Агнуурын бүс нутгийн менежментийг хариуцагч нь 3.8 Агнуурын бүс нутгийн менежментийг хариуцагч нь байгалийн баялгыг хууль бус үйлдэл, гадны нөлөөнөөс хамгаалах, үүний тулд эргүүл гаргах, хяналт шалгалт зохион байгуулах, учирсан хохирлыг буруутай этгээдээр төлүүлэх асуудлыг холбогдох байгууллагад тавьж шийдвэрлүүлнэ.

6.3.11. Сумын агнуурын бүс нутагт тусгай төлбөртэйгээр агнуулахаар БОНХ яамнаас хуваарилагдсан анг гадаад дотоодын анчид, компаниудад зуучлан агнуулах ба Засгийн газрын 2013 оны 93-р тогтоолын 2-р хавсралтын 4.1, 4.6, 4.7, 4.8, 6.2, 6.3, 6.4, 6.6 дахь заалтуудыг мөрдөж ажиллана.

6.3.12. Менежментийн төлөвлөгөөг хэрэгжүүлэхдээ биотехникийн арга хэмжээнд зориулж өвс хадлан, хужир шүү, ус мөс гэх мэтээс бусад байгалийн үндсэн болон дагалдах баялаг ашиглахгүй. Мөн дээрхи зориулалтаар болон тэжээлийн ургамал тариалах, хужир шүү ургуулах, ус булаг хаших задгайлахаас бусад хэлбэрээр газар эзэмшиж ашиглахгүй.

6.3.13. Аймгийн БОГ, Сумын засаг даргатай агнуурын бүс нутгийн менежментийг хариуцан ажиллах гэрээ байгуулагдсан тохиолдолд агнуур зохион байгуулалтын нарийвчилсан болон менежментийн төлөвлөгөөг хийлгэх санхүүжилтийг гаргаж, мэргэжлийн байгууллагаар гүйцэтгүүлэх гэрээ хийнэ.

Долоо. Санхүүжилт

7.1. Биотехникийн арга хэмжээний зардлыг оролцогч талууд харилцан тохиролцож санхүүжүүлнэ.

7.2. Энэхүү гэрээний 6.2.4-т заасны дагуу агнуурын амьтны төлбөрийн орлогын 50-аас доошгүй хувийг агнуурын менежментийн төлөвлөгөөг хэрэгжүүлэх, нөхөрлөлийг бэхжүүлэхэд зарцуулна.

7.3. Нүүдэлч салхи ХХК энэхүү гэрээний 6.3.1, 6.3.2, 6.3.4-т заасан үйл ажиллагааг өөрийн хөрөнгөөр хийж гүйцэтгэнэ.

Найм. Маргааныг шийдэх, хариуцлагын тогтолцоо

8.1. Гэрээ байгуулсан талуудын хооронд маргаан үүсвэл аль болохоор харилцан тохиролцохыг эрмэлзэн ажиллах бөгөөд талууд харилцан тохиролцоонд хүрээгүй тохиолдолд аль нэг тал шүүхийн байгууллагад хандаж болно.

8.2. Гэрээнд заасан үүргээ зөрчиж, байгаль орчинд хохирол учруулсныг холбогдох байгууллагаас тогтоосон тохиолдолд Засаг дарга гарсан хохирлыг оролцогч талуудын хөрөнгөөр бүрэн арилгуулах, хамтын ажиллагааны гэрээг хүчингүй болгох хүртэл арга хэмжээг хууль тогтоомжийн дагуу авна.

Энэхүү гэрээг оролцогч талууд 2013 оны 07-р сарын 16-ны өдөр гарын үсэг зурж баталгаажуулж 4 хувь үйлдэв.

Гэрээ байгуулсан

1. Баянхонгор аймгийн Байгаль орчны газрын биологийн төрөл зүйл хариуцсан мэргэжилтэн н.Жавхлан /...../

2. Сумын Засагдаргын тамгын газрын дарга

/...../

3. Нүүдэлч салхи ХХК-ны захирал М.Одбаяр

